

Weer een ni'je vaogelsoort in Zwolle ?

Lazze ik twie wèken gele'jen, dät Minke Kraijer giet stoppen met de cursus Zwols. Lèès ik disse wèke in de Pèperbusse dät ook nog 't Groot Zwols Dictee dit jöör meugelijk veur de leste keer is.

Maer wacht is èven . . . wöör bint al die mooipraoters dan iniens eblöven?

Ik sprakke Minke vandaege nog en vreug aer hoe 't met 't dictee der veur ston. Vertellen zij mi'j een bettien teleur-esteld dät de meldingen wat tegen vallen. Goed veertig personen ebben zich op-egöven, maer dät mag wel 't dubbele wörrèn.

Hé - alloo !! Wöör bint now die Zwollenaeren met een ärte veur de stad ? Kom op !! Ie laot oe toch niet kennen - omdät ter gieniene in staot is 't dictee foltloos te kunnen skrieven, vallen 't toch niemanden op. A-j zelf niks zègen wat ter folt is egaon zal gieniene der wat van weten.

Maer as de Zwollenaeren zelfs an un dictee niet meer mèè durven te doen, e-j ier strakkies die pokkezender van SbS-6 op de stoepe staon, umdät der weer een ni'je vaogelsoort in Zwolle zal wèèn ontdekt. **DE SKIJTLIESTER !** Kom astoeblijft . . . daag oe pärremetaosie, collega's en vrienden uut veur een aoventien lol. 't Is weer is wat anders dan een glasien bier en slap gezwets. En ie bint dan ook nog is cultureel bezig . . en dät gèf oe weer wat te vertellen op een verjöördag.

